

ÒBLIGU DE ISCRITZIONE

IN SAS LISTAS DE LEVA

SU SÌNDIGU

Bidu s'art. 1932 de su Còdighe de s'arruolamentu militare, aprovadu con D.Lgs. 15 de martzu de su 2010, n. 66; Bidu su D.P.R. 15 de martzu de su 2010, n. 90, chi cuntentit: «Testu ùnicu de sas dispositziones regulamentares in matèria de ordinamentu militare, in cunforma a s'art. 14 de sa lege 28 de santandria de su 2005, n. 246»;

NOTIFICAT:

1. – Totu sos tzitadinos de s'Istadu e sos istràngios chi, cun s'arruolamentu in s'Esèrtzitu (o in àteru modu prevididu dae sa lege subra de sa tzitadinàntzia 5 de freàrgiu de su 1992, n. 91), podent divènnere tales, chi in s'annu giai cumintzadu cumprint sos degheoto annos de edade e chi, a sos efetos de sa leva, si divent cunsiderare a manera legale domitziliados in custu Comune in cunforma a s'articulu 1932 de su decretu legislativu n. 66/2010 subra naradu, sunt obligados a dimandare intro de trinta dies dae oe, s'iscrittione issoro in sas listas de leva e a frunire incrarimentos chi in custa occasione ant a pòdere èssere rechestos a issos.

A su matessi òbligu sunt puru sutapostos, sos residentes in custu Comune chi non possedint tzitadinàntzia peruna.

Si tale dimanda non siat fata a manera personale dae sos giòvanos in antis narados, ant s'òbligu de la fàghere su babbu, sa mama o sos tutores issoro.

2. – Sos giòvanos chi non siant domitziliados in custu Comune, ma chi b'epant sa dimora abituale in cunforma a s'articulu 43 de su còdighe tzivile, ant facultade de si fàghere iscrìere in custas listas de leva pro resones de residèntzia.

In custu casu sa dimanda issoro at su matessi balore, pro cantu pertocat sa leva, de sa proa de mudòngiu de domitziliu, in cunforma a s'articulu 44 sighbente de su còdighe tzivile matessi.

3. - Sa publicatzione de su manifestu presente at su matessi balore de avisu de aviu de su protzedimentu de iscritzione in sas listas de leva, in cunforma a s'art. 1932, comma 3, de su D.Lgs. n. 66/2010.

S'avisu presente, in relazione a su dispostu de s'art. 32, comma 1, de sa lege 18 de làmpadas de su 2009, n. 69, est insertadu puru in su situ Web istituzionale de custu comune.

Dae sa residèntzia comunale, su 4 de ghennàrgiu de su 2021



SU SÌNDIGU

Dot.ra Lucia Catte

D.Lgs. 15 de martzu de su 2010, n. 66

Art. 1932 - ISCRITZIONE IN SAS LISTAS DE LEVA

1. Su 1° de ghennàrgiu de ogni annu su Sindigu de ogni comune, cale ufiziale de governu in cunforma a sos artìculos 14 e 54 de su *decretu legislativu 18 de austu de su 2000, n. 267*, cun manifestu apòsitu, faghet nòdidu:

a) A sos giòvanos mascrinos chi in su matessi annu cumprint sos degheote annos de edade, su dovere de si fàghere insertare in sa lista de leva de su Comune in ue sunt a manera legale domitziliados;

b) A sos babbos, mamas e tutores de sos giòvanos segundu sa litera a), s'òbligu de nde curare s'iscrittione in sa lista de leva.

2. Sas informatziones subra de sos òbligos de iscritzione in sas listas de leva podent èssere difusas dae sas amministratziones comunales, in prus chi cun manifestu apòsitu, puru pro mèdiu de àteros metzos idòneos de divulgatzione.

3. Sa divulgatzione de sas informatziones subra naradas pro mèdiu de manifestu o àteros metzos idòneos de divulgatzione at su matessi balore de avisu de aviu de su protzedimentu de iscritzione in sas listas de leva.

Art. 1933 - DOMITZILIU LEGALE

1. Sunt cunsiderados domitziliados a manera legale in su comune:

a) sos giòvanos de sos cales su babbu, o, in mancàntzia de su babbu, sa mama o su tutore, epat domitziliu in su comune, mancari chi issos istent in àteru logu, siant ausentes, espatriados, emantzipados, detenutos o figios de unu espatriadu, o

de unu militare in servitziu efetivu o presoneri de gherra chi epat àpidu s'ùrtimu domitziliu in su comune;

b) (*litera gasi corrigida dae comunicadu 30 de cabudanni de su 2010*) sos giòvanos cojuados, cun su babbu, o, in mancàntzia de su babbu, sa mama, epat domitziliu in su comune, francu chi giustifichent de àere domitziliu legale in àteru comune;

c) (*litera gasi corrigida dae comunicadu 30 de cabudanni de su 2010*) sos giòvanos cojuados domitziliados in su comune mancari su babbu o, in mancàntzia de custu, sa mama, epat domitziliu in àteru logu;

d) sos giòvanos nàschidos, domitziliados o chi bivent in su comune, chi siant privos de babbu, mama e tutore;

e) sos giòvanos nàschidos o residentes in su comune chi, no agatende, si cumpresos in perunu de sos casos segundu sas literas pretzedentes dae a) a d), non giustifichent s'iscrittione issoro in àteru comune.

2. A sos efetos de s'iscrittione subra de sas listas de leva est cunsideradu domitziliu legale de su giòvanu nàschidu o chi bivet in s'èsteru su comune in ue issu o sa familia sua sunt dae ùrtimu domitziliados in su territòriu de sa Repùblica; ossià, cando custu non siat possibile de lu pretzisare, su comune designadu dae su matessi giòvanu; ossià, in mancàntzia de custa designatzione, su comune de Roma.